

Na osnovu člana 18. stav (1) i (2) Zakona o naučnoistraživačkoj djelatnosti ("Službene novine Kantona Sarajevo", broj 26/16) i člana 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), Skupština Kantona Sarajevo, na 16. radnoj sjednici, održanoj dana 10.06.2024. godine, donijela je

**ODLUKU
O DAVANJU SAGLASNOSTI NA OSNIVANJE
NAUČNOISTRAŽIVAČKOG INSTITUTA "BLUM" ZA
RAČUNARSKE NAUKE I INŽINJERSTVO, UMJETNU
INTELIGENCIJU I AUTONOMNE ROBOTSKE
SISTEME**

I

Daje se saglasnost na osnivanje Naučnoistraživačkog instituta "Blum" za računarske nauke i inženjerstvo, umjetnu inteligenciju i autonomne robotske sisteme, kao ustanove, pod nazivom Naučnoistraživački institut "Blum" za računarske nauke i inženjerstvo, umjetnu inteligenciju i autonomne robotske sisteme.

II

Ova odluka je konačna i stupa na snagu danom donošenja, a objavit će se u "Službenim novinama Kantona Sarajevo".

Broj 01-04-32273/24
10. juna 2024. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 9. Zakona o raseljenim osobama - prognanicima i izbjeglicama - povratnicima u Kantonu Sarajevo ("Službene novine Kantona Sarajevo", broj 27/05 - Prečišćeni tekst), Vlada Kantona Sarajevo, na 27. sjednici održanoj 06.06.2024. godine, donijela je

**UREDBU
O DOPUNI UREDBE O NAČINU OSTVARIVANJA
POMOĆI ZA ODRŽIVI POVRATAK**

Član 1.

(Dopuna člana 2.)

U Uredbi o načinu ostvarivanja pomoći za održivi povratak ("Službene novine Kantona Sarajevo", broj 3/14, 30/17, 43/19 i 18/24) u članu 2. u stavu (1) iza tačke b) dodaje se nova tačka c) koja glasi: "c) koja su se iz Republike Srpske, Federacije Bosne i Hercegovine i Brčko Distrikt Bosne i Hercegovine, dobrovoljno vratila u Kanton Sarajevo i prijavila prebivalište, a koja su imala status raseljenog lica prije povratka u Kanton Sarajevo i prijeratno prebivalište u Kantonu Sarajevo."

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-31329-12/24
06. juna 2024. godine
Sarajevo

Po ovlaštenju premijera
Ministar
Zlatko Mijatović, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 72., 73. i 74. Zakona o srednjem obrazovanju ("Službene novine Kantona Sarajevo", broj 23/17, 30/19 i 33/21), Vlada Kantona Sarajevo na 40. vanrednoj sjednici održanoj 11.06.2024. godine, donijela je

**ODLUKU
O DOPUNI ODLUKE O KRITERIJIMA ZA UPIS
UČENIKA U PRVI RAZRED SREDNJIH ŠKOLA
KANTONA SARAJEVO**

Član 1.

(Dopuna člana 14.)

U Odluci o kriterijima za upis učenika u prvi razred srednjih škola Kantona Sarajevo ("Službene novine Kantona Sarajevo", broj 16/24) u članu 14. stav (1) tačka a) iza alineje 8) dodaje se nova alineja 9), koja glasi:

"9) Hemija/Kemija,".

Član 2.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-32304-1/24
11. juna 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 26. sjednici održanoj 30.05.2024. godine, donijela je

**ODLUKU
O DAVANJU SAGLASNOSTI NA TEKST SPORAZUMA
O SANACIJI I TEKUĆEM ODRŽAVANJU SPOMEN-
OBILJEŽJA POSVEĆENOM ŽRTVAMA MASAKRA NA
PIJACI MARKALE**

I

Daje se saglasnost na tekst Sporazuma o sanaciji i tekućem održavanju spomen-obilježja posvećenom žrtvama masakra na pijaci Markale.

II

Ovlašćuje se ministrica za rad, socijalnu politiku, raseljena lica i izbjeglice Kantona Sarajevo da potpiše Sporazum iz tačke I ove odluke.

III

Za realizaciju ove odluke zadužuju se Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo finansija Kantona Sarajevo i Općina Stari Grad Sarajevo, svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-30504-6/24
30. maja 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj